



# PASOP!

BEDROG MET MAATSKAPLIKE TOELAE

Wees bedag op bedrieglike amptenare en onwettige debietaftrekkings van maatskapliketoelaag-rekeninge



## VOORKOM EN RAPPOORTEER SASSA-BEDROG

Wees bedag op **bedrieglike SASSA-amptenare** wat u huis besoek of u telefonies of per SMS kontak. Hulle kan u moontlik versoek om u kaart te oorhandig, of u PIN-kode en persoonlike besonderhede versoek. Hulle kan ook moontlik beweer dat u versekering moet uitneem, of beloof moontlik kospakkies. Moenie hulle in u huis toelaat nie. Moenie enige inligting aan hulle verskaf nie. Hulle is misdadigers.

**i**

**SASSA-beamptes sal u nooit tuis besoek om 'n nuwe kaart uit te reik of u besonderhede en PIN-kodes versoek nie. Geldige SASSA-kaarte kan slegs by 'n SASSA-kantoor uitgereik word.**

*Moenie boodskappe vertrou waarin u besonderhede versoek word nie. Moenie daarop reageer nie. Bewaar u kaart op 'n veilige plek.*

### **Wat kan u doen as dit met u gebeur?**

Indien iemand u met so 'n **versoek** nader, skakel die CPS of Sassa om die versoek te bevestig. As u opmerk dat geld van u rekening **afgetrek** is, moet u die onwettige aftrekking onmiddellik rapporteer, verkieslik binne 40 dae ná die aftrekking:

- by die CPS se tolvrye nommer (0800 600 160);
- by u plaaslike SASSA-kantoor; of
- by 'n CPS-betaalpunt.

Indien die onwettige aftrekking vir 'n begrafnispolis of lugtyd-aankope is, moet u 'n beëdigde verklaring by die polisiestasie aflê, wat dan aan die CPS-inbelsentrum verskaf moet word. Indien die dispuut binne 40 dae nadat die aftrekking plaasgevind het, ingedien word, sal die EFO-debietbedrag in u rekening terugbetaal word. Indien 40 dae reeds verstryk het, sal dit langer neem en sal die terugbetaling nie outomaties plaasvind nie.

*Slegs betalings vir begravnisskemas en versekering by geakkrediteerde finansiële diensteverskaffers mag op u kaart afgetrek word, beperk tot 10% van u totale toelae.*

**U mag nie die kaart as sekuriteit gebruik of die kaart oorhandig om 'n lening by 'n geldskietter te verkry nie.**

**CPS TOLVRY 0800600160**

umnyama.org REGSVRYWARING Hierdie inligting kan nie as regsadvies beskou word nie.